

都察院則例



都察院則例一

一憲綱天聰十年



諭。凡有政事背謬。及貝勒大臣有驕肆慢上。貪酷不法。無禮妄行者。許都察院直言無隱。即所奏。涉虛亦不坐罪。倘知情蒙蔽。以誤國論。如盡心職業。秉公矢行。三年考滿。定加升賞。欽此。○崇德元年

諭。都察院各官。皆係朝廷諫諍之臣。朕躬如有不親政務。忠良失職。姦邪得位。有罪者錄用。有功者降謫等事。爾等有所見聞。即行規諫。至於諸王貝勒大臣。有曠廢職掌。耽酒色。好逸樂。取民財物。婦女。或朝會輕

慢冠服不具。及以不適已意。託病偷安。不朝參入署者。禮部稽察。若禮部徇情容隱。爾等察奏。或六部斷事偏謬。及事未審結。誑奏已結者。爾等亦稽察奏聞。凡人在部控告。未經審結。又赴告於爾衙門者。爾等公議。應奏者奏。不應奏者逐之。至爾衙門有受賄之弊。須互相防檢。若以私讐誣劾。定加爾罪。其餘所奏。是者即為允從。非者亦不加罪。并不令爾等與被劾之人質對。欽此。○順治九年

諭。都察院為朝廷耳目之官。上至諸王。下至諸臣。孰為忠勤與否。及內外官員之勤惰。政事之修廢。皆令盡

言。如滿漢各官。有賢有否。督撫按各官。有廉有貪。鎮守駐防各官。有捍禦勤慎者。有擾害地方者。皆令分別察奏。其推舉銓用。與黜革降罰。及內外各衙門條陳章奏。有從公起見者。有專恣徇私者。皆令明白糾駁。欽此。○十年

諭。朝廷設立言官。原為繩愆糾謬。事關朕躬。尚許直言無隱。况諸司過失。理當糾舉。其言果當。宜虛心靜聽。即言有未當。正宜分晰事理。聽候朕裁。不許私嗔報復。至言官論事。亦須明白確指。不得摭拾風影。挾私妄訐。欽此。○十一年

諭。凡言官務在知無不言。言無不實。庶使僉壬屏跡。中外肅清。若緘默苟容。顛倒黑白。徇私報怨。明知姦惡。庇護黨類。不肯糾叅。而誣陷良善。驅除異己。溷淆國是者。定行重懲。欽此。○又

諭。凡事關政治得失。民生休戚。大利大害。應興應革。切實可行者。言官宜悉心條奏。直言無隱。如果能抒誠。有裨政事。朕自不靳懋賞。欽此。○十二年

諭。凡事關朕躬。何令不信。何政有差。諸王貝勒在事諸臣。曠職之愆。叢弊之處。及內外各司。何害未除。何利未興。言官各據見聞。極言無隱。一切啓迪朕躬。匡弼

國政者。所言果是。即與採用。如有未當。必不加罪。毋得浮泛塞責。欽此。○又題準。言官糾叅。實指姦貪。是其職掌。若結黨挾私。肆行陷害者。反坐。○十三年

諭。科道爲耳目之官。職在察姦剔弊。凡大姦大惡。從未經人糾劾者。果有見聞。即據實直陳。不許徇私黨比。撫拾塞責。將人已糾叅之事。勒襲妄陳。欽此。○十八年題準。文武大臣。果係姦邪小人。構黨爲非。擅作威福。紊亂朝政。致令膏澤不宣。災異迭見。但有見聞。不避權貴。具疏彈劾。內外各衙門大小

官。有不公不法等事。皆得糾劾。其糾舉之事。須明注年月。指實陳奏。若係機密重事。實封

御前開拆。並不許挾私苛求。泛言塞責。○又題準。官民果有冤枉。許赴院辨明。除大事奏

聞外。小事立予裁斷。或行令該督撫覆審昭雪。○又題準。言官題奏。應密不密者。罰俸六月。○康熙九年題準。言官列款糾叅貪婪官吏。有一二事審實者。免議。若審問全虛。及條陳事件。隱含譏刺。或不據實回奏。或叅官員老病衰庸。涉虛者。均降二級調用。○十五年議準。言官條陳譏刺。

及回奏不實。或凡事不據實陳奏。或並無可據。稱風聞具題者。降一級調用。○三十一年

諭。國家設立言官。職司耳目。一切吏治民生。得失利弊。皆宜殫思極慮。據實直陳。近見滿漢科道官建白甚少。殊非朕責望言路之意。嗣後應各矢公忠。研求時務。凡有可以裨益國家之事。悉具所見奏聞。以俟採擇。但不得懷挾私情。紛更定例。勦襲陳言。浮泛塞責。其有真知灼見。應糾劾者。即行叅奏。亦不得暗受囑託。代人報復。苛責細事。希圖傾陷。欽此。○三十六年

諭。國家設立都御史科道官。以建白為專責。所以達下

情而祛壅蔽。職任至重。使言官果能奉法秉公。實心盡職。則閭閻疾苦。咸得上聞。官吏貪邪。皆可釐剔。故廣開言路。爲圖治第一要務。近時言官奏疏寥寥。間有入告。而深切時政。從實直陳者甚少。此豈委任言路之初指乎。嗣後凡事關國計民生。及吏治臧否。但有確見。即應指陳。其所言可行與否。裁酌自在朝廷。雖言有不當。言官亦不坐罪。自皇子諸王及內外大小官。有所爲貪虐不法。並交相比附。傾軋黨援。理應糾舉之事。務必大破情面。據實指參。勿得畏怯貴要。瞻徇容隱。即朕躬有失。亦宜進言。朕決不加責。其有

懷挾偏私。借端傾陷者。朕因言察情。隱微自能洞悉。凡屬言官。尚各精白乃心。力矢忠謹。以無負朕殷切責望至意。欽此。○三十九年

御製臺省箴。臺省之設。言責斯專。寄以耳目。寧取具員。通明無滯。公正無偏。黨援宜化。畛域宜捐。洞達政體。斯曰能賢。古昔諍臣。風規凜然。訐謨讜論。垂光簡編。朕每覽繹。如鑒在懸。居是官者。表裏方直。精白乃心。充廣其識。國計民生。臧否黜陟。凡所敷陳。敬將悃幅。風霜之任。以懲姦慝。搏擊之威。以儆貪墨。毋撫細務。苟塞言責。毋紛成憲。妄逞胃臆。書思入告。當宁對揚。

沽名匪正。營私孔傷。或藏嫌怨。謬爲雌黃。受人指囑。尤爲不臧。形諸奏牘。有玷皂囊。職司獻替。亟宜審詳。敬爾在公。風紀巖廊。詞箴用最。誕告聯常。○雍正元

年

諭。朕仰承大統。遵守成憲。首以求言爲急。科道諸臣。原爲朝廷耳目之官。與朕躬最親。與國家最切。凡有所見。自應竭誠入告。今雖備位臺垣。即將來之公卿大吏。爲科道時不能盡言。則日後官至大僚。豈能期爾建白乎。今後各科道。每日一人上一密摺。輪流具奏。或二三人同日具奏。一摺一摺止言一事。無論大小

事務。皆可據實陳之。即或無事可言。摺內亦必申明無可言之故。具摺後。在外候旨。或召進面見。或令且退。所言果是。朕即施行。或未甚切當。朕亦留中不發。決不令一人知之。倘有徇私挾仇。顯係情弊。巧爲瀆奏者。亦不能惑朕之耳目也。密摺不許人叅酌。如有漏洩。或同僚中知而言之。則同僚即可據以密聞。朕將兩人之摺。合驗情事。能隱諱推諉乎。至於有面奏廷諍。或彈劾權要。或更革弊端。不妨仍照例露章奏聞。朕亦不拒禁。爾諸臣其敬承明諭。各行忠悃。無負朕懸鞫設鐸之意。欽此。○又

諭。外任旗員。受該旗都統叅領及五旗本王恣意需索者。許本官據實封章。密詳督撫轉奏。倘督撫瞻顧容隱。許本官封章。揭都察院轉為密奏。倘不為奏聞。即各御史亦得據揭密奏。務期通達下情。以除積弊。欽此。○又

諭。嗣後勘合之外。有敢多給一夫一馬者。許前途州縣據實揭報都察院糾叅。欽此。○又議準。大臣為小臣之表率。若屬官簞簞不飭。虧空錢糧者多。即係上司不能以清操為率。盜賊繁多。諸務廢弛。即係上司不能以勤慎為率。皆許科道於年終察

實題叅。○二年奉

旨。以六科隸都察院。○又奉

旨。凡科道露章。必候朕御門聽政之日進奏。在各部院奏事之後

陳○又

諭。諸王貝勒屬下人。係累世効力舊人。或念其先世養之恩。見幼主有過。直言規諫。或因需索不遂。并聽讒佞之言。將効力之人。妄加殘害。借端送部治罪。則忠直之輩。人人箝口。而讒佞小人。反得任意橫行矣。嗣後如此等曾在其先世効力之人。幼主無故尋釁。妄行陷辱。借端送部治罪者。準其聲明冤抑。或赴宗

人府。或赴都察院呈訴。該衙門奏聞詳審。果係冤情。或撥於別旗。或撥於他王門下。若所訴盡誣。加等治罪。欽此。○又

諭。外省督撫。有懷私背法。逞威等事。給事中御史等。受其請託賄賂。爲之徇隱。經朕聞知。將都察院堂官一。并議處。至上彈劾本章。或有畏難之心。亦未可定。將本章封固。祇稱叅本。不必聲明姓名事由。欽此。○三

年

諭。朕爲天下臣民之主。一夫不獲。尚屢朕懷。豈可令郡縣司牧。枉受冤抑乎。朕屢降諭旨。令督撫秉公體卹

屬官。尚恐有冤抑之人。嗣後道府以下知縣以上各官。有實在冤抑。被叅降革者。令赴都察院具呈。確察原叅緣由。覈實具奏。其並無冤抑。實有罪愆。人品不端。才力不及之人。妄行具呈者。亦必重治其罪。欽此。

○四年議準。直省州縣交代。舊任官虧空。各上司逼勒新任官接受者。許被勒之人。直揭部科代爲陳奏。其有干連督撫者。將具揭之人。與虧空之人。押赴來京。交與都察院察審明確。將該督撫一并從重議處。如係誣揭。交與刑部加倍治罪。至出揭之人。調任別省。該管上司。有因其

從前揭報之故。多方搜求。借端誣陷者。該員赴院呈辯。果係參處冤抑。將該上司交部議處。如誣辯不實。加倍治罪。○七年

諭。科道乃朝廷耳目之官。專以進言爲職。朕令其於露章之外。復行密奏者。蓋欲其時進讜言。匡朕不逮。有益於吏治民生也。既係密奏。則當謹慎。不謀於人。不洩於外。方無忝於事君之義。而不愧言官之任。嗣後倘有密奏之事。朕未將本人姓名發出。而本人自行露洩。或私自存稿者。一經發覺。朕必嚴究。重治其罪。

欽此。○十三年十一月

諭。往者

聖祖仁皇帝。特製臺省之箴。以重言責。

皇考世宗憲皇帝諭旨。亦諄諄及之。洵以耳目之司。乃國是所由彰。官常所由肅也。朕以藐躬。纘承丕緒。一日萬幾。常恐措置失宜。以負

皇考付託之重。繩愆糾謬。正爾諸臣。得自竭其忠誠之會也。中外大臣。或有詭法行私。及昏慵不能任職者。近者實跡有徵。遠者輿論不協。皆宜據實彈劾。以廣朕之聰明。而近觀諸臣所奏。大率毛舉細故。無關體要。朕以實心求言。而專司言責者。仍以虛

文塞責。無乃內負夙心。而外慚清議乎。其各自砥
礪。凡有關於國政民依者。知無不言。無或畏蒞。若
仍以不急之務。慢充奏牘。或其人已自敗露。而後
撫拾其非。又安用此。至於懷私挾怨。受人指囑。互
相攻訐。乃

皇祖之箴。所謂尤為不臧者。有或蹈此。乃自貽伊戚也。
勉之慎之。欽此。○又

諭。朕御極之初。一時見聞未徧。恐不能周知天下之
庶務。欲開言路。以期集益廣思。爰遵

皇考時舊例。令滿漢文武大臣官員科道等。輪班條奏。

使各抒己見。用備採擇。茲者條奏已將一週。其中
固有通達治體。可以見諸施行之事。而胥無確見
真知。因迫於班次已屆。勉強湊合。支贅成篇者。亦
復不少。自今一輪之後。不必拘定班次。倘有所見。
隨時陳奏。此朕切望。廷臣嘉謨入告。實有裨於政
治之意。並非奏牘繁多。厭於披覽也。欽此。○乾隆

元年

諭。國家設科道官。原以發抒忠悃。隨時獻替為專職。
而進諫之道。莫大乎繩愆糾謬。上佐君德。其規切
用。人行政。指陳吏治民生者。次之。此古名臣之所

以志在格君。而嘉猷碩畫。有造於國。是民依也。朕近敬閱

世祖章皇帝實錄。見當時言官奏疏。尚有骨鯁謇諤之風。竟能直指君德之得失。而不顧一己利害之私。朕輒改容誦之。以爲我朝人物挺生。忠良之佐。匪躬之節。未嘗遠遜古人也。朕御極以來。求言之詔。屢下。而司諫之臣。從未聞有忠言讜論。可藉以爲啓沃之助者。計其封章條奏。不過撫拾細事。苟且塞責。即欲求其切中政體。痛斥官方之言。尚不可得。何論上及朕躬。塞違昭德。以盡納誨之實乎。夫

朕之一身。豈無闕失。正賴廷臣直言。以襄不逮。即云大德不踰。而日理萬幾。或發號施令之失其宜。或慶賞刑威之過其則。或進退黜陟之乖其分。或輕重緩急之爽其衡。皆朕所不能自信者。乃朕誠心求之。而諸臣不能以誠心應之。則諸臣不能辭曠職之咎也。繼自今。大臣暨科道等。務以古處自期。各矢忠盡。爲上爲德。爲下爲民。悉盡言無隱。以修臣職。以繼芳踪。毋使先正氣骨。獨自擅美於前。庶稱朕拳拳冀望之心。至本朝定鼎以來。從前臣工章疏。有忠讜剴切。卓然可傳者。著內閣翰林院

委官精選。進呈刊刻。以垂示將來。俾後進奉爲模楷。其入選章疏諸臣。內有素行端純。完名全節者。準入祀賢良祠。用昭朕崇禮直臣。風勵百僚之意。欽此。○又

諭。朕即位以來。屢下求言之詔。至再至三。出於誠切。並非尚納諫之虛文。誠以朕躬闕失。無由自知。必賴直言匡正。而隨時納誨者。乃臣子之大義。曾有所見。即當直陳。使言之果當。朕當即改易。可收轉圜之益。言之不當。朕亦得以已意明白剖示。釋其疑心。亦開誠布公之道也。惟是公私之辨。不可不

嚴。倘有借直諫之名。以自行其私。妄冀惑亂朕聽。亦斷不能逃朕之洞鑒也。欽此。○又

諭。人臣奏事。理宜慎密。若叅劾既非露章。而用封奏。尤不當漏洩於外。以自作威福。欽此。○又奉旨。嗣後倘有被步軍統領衙門番役等騙害者。準本人赴刑部都察院控告。該部院即據實奏聞。朕必將番役嚴審治罪。不少寬貸。○二年

諭。國家設立科道。專司建言之責。必心本無私。又能通達治理。乃爲無忝厥職。若識見雖未明通。而居心樸誠。則言雖愚戇。尚無害於事理。朕亦鑒其忱

惘而優容之。惟宵懷愛憎之私。借奏章以展其巧詐者。則有玷臺垣。國法不可以輕恕。即如並未深悉地方民情。而奏稱某地某事甚善。而承辦之人。已暗受其推薦。奏稱某地某事不善。而承辦之人。已暗受其中傷。是其敷陳之時。並未據實秉公。匡襄政務。而言在於此。意注於彼。其居心尚可問乎。近見科道中。此等習氣。頗不能免。亦難逃朕之洞鑒。科道官當捫心自問。如稍有愛憎之私。未泯於中者。各宜猛省。悛改。毋蹈罪戾。欽此。○又諭。從來言官陋習相沿。多由迎合。若人主意在綜覈。

率刻意吹毛求疵。巧避瞻徇之迹。而置君德於不問。若人主意在樂聞已過。則又往往於朝廷之政事。吏治之得失。不一言及。甚有臣工不能靖共。羣僚或植黨援。曾不敢一指摘。以遠嫌避害。惟事撫拾陳言。以自治能正君心之名。是其居心之陰巧。乃國家之大蠹也。朕孜孜求治。常恐不及。使偶有闕失。言官果能切實指陳。朕自樂於聽受。即大臣中或有過。果能據實彈劾。亦足爲用人鑑戒。若徒勦襲膚詞。則史冊具在。盡足披覽。何用伊等喋喋陳奏乎。倘錯會朕意。轉生畏蕙之念。則又不知

朕推誠布公之心者也。欽此。○三年

諭。朕令科道條陳事件。原許各陳所見。以裨政治。雖所陳奏不能盡合機宜。且往往有揣摩朕意。有心迎合者。此等固不足採。但伊等職司言路。條陳既多。其中豈無可行之事。朕勅交九卿會議。爾等自宜虛公斟酌。不可稍有偏執。欽此。○四年奏準。本院職司稽察。凡有冤枉。均得陳奏準理。嗣後候補候選及曾經議處官弁。如有應行呈明情節。許赴吏兵二部具呈。交與該司。將應準應駁緣由。詳加察覈。逐款明晰批示。分別辦理。果有實

在寬抑。應令其親自赴院具呈。察明應行準理者。即行文調取該部辦理原案及一應定例。如實係舛錯。即為奏請更正。該部堂司官如有辦理未協。亦即奏明請

旨。察議。倘有營私受託等弊。經院訪確。即行叅奏。○八年奉

旨。嗣後有交部發議事件。科道不待部覆。參差具奏者。該部於議覆本內。將伊等意見參差之處。聲明請旨。○十三年奉

旨。各衙門京堂屢經酌定。仍不免參差。僉都御史有

漢官無滿官。應作何裁改。著該部定議具奏。遵旨議準。裁僉都御史。俟員闕時。停止奏請簡用。○又

題準。御史原係言官。凡遇有應行奏

聞事件。各御史果訪聞確切。不必拘定省分衙門。仍

聽隨時據實陳奏。○二十年奉

旨。京畿道著列於河南道之前。河南道所辦事務。即令京畿道辦理。京畿道事務。令河南道辦理。



漢官無滿官。應作何裁改。著該部定議具奏。遵旨議準。裁僉都御史。俟員闕時。停止奏請簡用。○又

題準。御史原係言官。凡遇有應行奏

聞事件。各御史果訪聞確切。不必拘定省分衙門。仍

聽隨時據實陳奏。○二十年奉

旨。京畿道著列於河南道之前。河南道所辦事務。即

令京畿道辦理。京畿道事務。令河南道辦理。



